



Eananjuohkinrievtti dieđut

Eananjuohkinriekti lea sierraduopmostuollu mii meannuda gažaldagaid mat gusket gitta opmodagaide. Áššis mii ovddiduvvo eananjuohkinriektái sáhttát omd. Ionuhit areála ja rivttiid, mearridit geavahan njuolggadusaid oktasaš geidnui dahje čielggadit opmodatrájaid dahje eará rievttálaš diliid gitta opmodagaid ektui.

Eananjuohkinrievttis lea gelbbolašvuohta dubmet iešguđetlágan riidogažaldagaid mat gusket gitta opmodagaide. Dasa lassin sáhttá eananjuohkinriekti doallat iešguđetlágan árvvoštusaid. Sihke eanaeaggát ja sus geas lea rievttit čatnon opmodahkii sáhttet gáibidit ášši eananjuohkinriektái.

1.-7. čuoggás gávnnat dieđuid mo galggat deavdit gáibádusa.

Čuokkis 8 sisttisdoallá eará dieđuid.

1 Gosa sáddet gáibádusa

Gáibádusa galgá sáddet eananjuohkinriektái dan guovllus gos opmodat lea. Jus leat eahpesihkkar mii eananjuohkinrievtti namma lea, de gávnnat dan dán siiddus www.domstol.no.

2 Oasehasat

Deavdde geat leat oamasteaddjit, geas lea geavahanvuoigatvuođat ja earát geasa oaivvildat ášši guoská.

3 Maid gáibádus gusto

Don galggat nu bures go vejolaš čilget manne don gáibidat ášši, ja daid váttisvuođaid maid háliidat čovdot. Dat čuokkis galgá devdot nu ahte dat eará oasehasat besset buktit oaivila Miessemánu 2019

gáibádussii ja rahkanahttit iežaset áššái. Dieđut galget maid addit riektái vuođu árvvoštallat ahte sáhttá go meannudit ášši. Don berret bidjat kárta mielddusin mii čilge guovllu.

4 Gaskaoapmi

4.1 Eananjuohkin(riektenuppástuhtin):

Dat lea eananjuohkinriekti mii mearrida makkár gaskaoamit leat heivvolačča čoavdit váttis dili. Danin don it dárbbas merket daid iešguđegelágán gaskaomiide. Dás vuolábealde gávnnat oppalašgova daid gaskaomiid maid eananjuohkinriekti sáhttá geavahit.

Opmodaga ja geavahanvuoigatvuođa odda hábmen, § 3-4

Eananjuohkinriekti sáhttá oddasit hábmet opmodagaid ja geavahanvuoigatvuođaid.

Ásahit oktasašopmodaga, § 3-5

Eananjuohkinriekti sáhttá muhtton áššin ásahit oktasašoamasteami jus dat čoavdá váttis opmodatoktavuođaid ja seammás lea buoret čoavddus go oktasašgeavaheami njuolggadusat. Ovdamearkadihti namuhat geainnuid, stoahkanšiljuid, bisánansajiid ja huksenguovlluid.

Oktasašopmodagaid ja oktasašgeavaheami sirren, § 3-6

Eananjuohkinriekti sáhttá sirret oktasašoamasteami ja oktasašgeavaheami gaskal opmodagaid. Sirren sáhttá leat gaskaboddosaččat dahje ollásit.

Juohkit opmodaga, § 3-7

Eananjuohkinriekti sáhttá juohkit ja hábmet opmodaga ja geavahanvuoigatvuođaid mearriduvvon oassemeriin. Opmodagat gos lea persovnnalaš oktasašoamasteapmi sáhttá juhkot dán njuolggadusa vuođul. Eananjuohkinriekti sáhttá maid juohkit opmodaga mii lea oston searvágaid liigeeatnamiin. Gielda ferte dohkkehit juohkima.

Oktasašgeavaheami njuolggadusat (geavahanortnet), § 3-8

Eananjuohkinriekti sáhttá mearridit bastevas dahje gaskaboddosaš njuolggadusaid geavahit opmodagaid ja rivttiid. Geavahanortnet lea omd. áigequovdil oktasašoamasteamis, huksenguovlluin, priváhta geainnuin, bisánanšiljuin,

stoahkanšiljuin, smávva čáhcefápmorusttegin, guohtuneatnamin, bivdo ja sáttogáttiid guovlluin. Eananjuohkinriekti sáhtta maid mearridit njuolggadusaid oktasašgeavaheapmái oamastanosiiide olgoareálain.

Oktasaš doaimmat ja oktasaš investeremat, § 3-9

Oktasaš doaimmat leat sihke dat ahte oažžut johtui ođđa doaimmaid gaskal guovtti dahje eanet opmodagaid, ja rievdadit viidodaga ja hábmet dálá doaimmaid.

Geavahannjuolggadusat, divodeamit ja goluid juohkin sáhttet leat oassin oktasašgeavaheamis. Ovdamearka oktasašgeavaheamis lea oktasaš geainnut, čáhce- ja duolvačáhce- rusttegat, kajat ja áiddit.

Ásahit searvvi ja hábmet mearrádusaid § 3-10

Eananjuohkinriekti sáhtta ásahit servviid ja hábmet jodihan dahje divodan mearrádusaid go lea eambbosat geat galget geavahit osiid iežaset opmodagain dahje lea geavahanvuoigatvuođat ovttas. Eananjuohkinriekti sáhtta maid rievdadit dálá servviid.

Geavahanvuoigatvuođaid rievdadeapmi ja luvven, §§ 3-11 – 3-12

Geavahanrievttit mat leat oassin eananjuohkináššin sáhttet rievdaduvvot dahje luvvejuvvot. Eaktun dasa lea ahte rievdadeapmi dahje luvven lea dárbbaslaš oažžundihti ávkkálaš čovdosa áššis. Rievttit mat leat čatnon boazodollui eai sáhte rievdaduvvot dahje luvvejuvvot.

Rievdadeapmi dahje luvven sierra áššin ferte dahkot servituhttalága njuolggadusaid vuođul (servituhttaárvoštus).

Geavahan- dahje gáhtteneananjuohkin § 3-2, bs. § 1-3

Áššin gos priváhta dahje almmolaš doaimmat dagahit heivetmeahtun obmodagaid -ja geavahanrievttálaš diliid, de sáhtta čadahuvvot eanajuohkin buoridandihti heivetmeahtun váikkuhusaid, nu go ovdamearkadihti sáhttet leat opmodagaid biđgen/háddjen dahje luodda/geaidnorievtti sirdin. Dakkár doaimmat sáhttet ovdamearkka dihti leat geaidnohuksemat, ruovdemáđiihuksemat, regulerenplána čađaheapmi ja sullasaš áššit. Dat sáhtta maid čadahit eanajuohkima jus guovllugáhtten dagaha heivetmeahtun

(eahpedohkálaš) opmodat - ja geavahanrievttálaš dili. Jus dakkár áššin lea dárbu árvoštussii lassin eanajuohkimii, doallá eananjuohkinriekti árvoštusa.

4.2 Riektemearrideapmi (riektečielggadeapmi ja rádjamearrideapmi)

Dát leat áššit mat mearridit dálá riektedili.

Riektečielggadeapmi, § 4-1

Eananjuohkinriekti sáhtta čielggadit opmodat - ja geavahanrievtti dili ovttaseaiggáduššamis guovlluin gos lea ovttasgeavaheapmi. Dákkár čielggadeami sáhtta eananjuohkinriekti maid dahkat guovlluin gos lea eahpesihkkarvuohta ahte leago ovttaseaiggáduššan dahje ovttasgeavaheapmi. Sámi boazodoalloguovlluin sáhtta eananjuohkinriekti maid čielggadit riektediliid gaskal boazodoalu ja eanaeaiggádiid. Dat seamma guoská ovttasgeavaheapmái olgoareálain mat leat oamastanjuhkosiiin.

Rádjamearrideapmi, § 4-2

Eananjuohkinriekti sáhtta mearridit rájaid gaskal gitta opmodaga ja rivttiid. 3. čuoggás fertet čielgasit čilget makkár rájaid gáibáduš gusto. Dasa lassin berret bidjat kárta mielddusin mii čájehe gokko oaivvildat rájá mannat.

4.3 Árvoštus

Árvoštus mearrida dábálaččat buhtadusa dahje juohká goluid ja geatnegasvuođaid. Eananjuohkinriekti sáhtta doallat árvoštusa erret eará gránnjááidelága, guohtunlága, geaidnolága, servituhttalága ja boazodoallolága vuođul. Eananjuohkinriekti sáhtta doallat šiehtadus árvoštusa sierra áššin. Don fertet merket makkár árvoštusa don gáibidat.

4.4 Plána vuođul goargyon netto árvu , §§ 3-30 til 3-32

Eananjuohkinriekti sáhtta juohkit plána vuođul goargyon árvvu gaskal opmodagaid mat leat oassin regulerenplánas.

Eaktun dasa lea ahte gielda lea mearridan dakkár juohkimii ja gielda ferte maid ráddjet juohkinguovllu.

Regulerenplána oktan mearrádusain ferte sáddejuvvot sisa oktan áššegáibádušain.

Dákkár áššin sáhtta huksenriekti sirdot opmodagain mat leat regulerejuvvon huksemiidda opmodagaide mat leat

regulerejuvvon eará doaimmaide, nu go ovdamearkka dihti friddja areála guovlun.

Árvolassánan juohku sáhtta dagahit buoret plánačovdosa dainna lágiin ahte šaddá álkit plánet beroškeahhtá opmodatrájáin ja dagahit buoret árvojuohkima eaiggáiid gaskal.

Ođđasit rahpat ášši

Ášši maid eananjuohkinriekti lea mearridan ja gos guoddalan áigemearri lea meattá, sáhtta gáibiduvvot rahpot ođđasit riidolága kapihttala 31 mearrádusaid vuodul. Ođđasit rahpat ášši lea erenoamáš riektegaskaoapmi, ja dat galget leat buorit ákkat riektefámolaš ášši ođđasit rahpat.

5 Rievtti čoahkkádus

Váldonjuolggadus lea ahte eananjuohkinduopmár lea oktoduopmár. Jus dáhtut rievtti bidjot mielduopmáriin de fertet dan merket skovvá. Árvvoštus lea váldonjuolggadussan njeallje árvvoštusmielláhttu. Jus dáhttot guokte árvvoštusmielláhttu, de fertet dan merket skovvá.

Oasehasat fertetit máksit buhtadusa mielduopmáriidda ja árvvoštusmielláhttuide.

6 Riektesoabadeapmi

Riektesoabadeami sáhtta čadahit riektečielggadeami ja árvvoštusa vuodul. Riektesoabadeapmi lea eaktodáhtolaš ja jos bealit sohpet de sáhttet loahpahit ášši dahje osiid áššis riektesoabadeamiin. Jus dus lea gažaldagat dán ektui, de váldde oktavuoda eananjuohkinrivttiin du gielddas.

7 Mielddus

Dása merket mildosiid mat čuvvot gáibádusa (kopijja opmodatjuohkimis, eanaduodaštus, mihtoreivves, šiehtadusain, eananjuohkin, eananjuohkinkárta ja eará dokumeantat main lea mearkkašupmi áššái). Berret bidjat mildosiin kárta dahje sárgosa mii govvida gáibádusa. Merke guovllu ja dálá rájaid.

Čuovvovaš neahttasiidot sáhttet leat ávkin:

| | |
|----------------|-------------------------------|
| jordskifte.no | Eananjuohkin rivttiid dieđut |
| domstol.no | Duopmostuoluid oppalaš dieđut |
| lovdata.no | Lágat ja lálkaásahasat |
| arkivverket.no | Riikaárkiiva ja stádaárkiivat |

| | |
|--------------------|--------------------------------------|
| tinglysing.no | Almmuhuvvon dokumeantat |
| seeiendom.no | Opmodagaid kártat ja diehtujuohkimat |
| kártadoaimmahat.no | kártadoaimmahat |
| norgeskart.no | Kárta |
| nibio.no | Norgga bioekonomiija instituhtta |

8 Vuolláičála

Muitte vuolláičállit gáibádusa. Son dahje sii geat čállet vuollái rehkenastojit leat rekvirentan.

9 Eará dieđut

Go ášši lea doarvái čielggas/čuvgehuvvon, gohčču eananjuohkinriekti diggečoahkkimii. Dat lea dábálaš ahte šaddá geahčadeapmi. Ášši viidodat ja áššešládja dat mearrida ahte leago dárbu eanet diggečoahkkimiidda ja geahčadeamiide. Soames áššiin sáhtta leat dárbu doallat áššeráhkkanan diggečoahkkima čielggadit ášši.

Eananjuohkináššiin (riekterievdeapmi) ožžot oasehasat vejolašvuoda buktit árvalusa eanajuohkinčovdosii ovdalgo eananjuohkinriekti mearrida.

Riektemearridan áššiin mearrida eanajuohkinriekti riiduid duomu bokte. Áššin gos ii leat riidu, sáhtta eanajuohkinriekti buktit árvalusa mearrideapmái masa oasehasat besset buktit iežaset mearkkašumiid. Jus eai ovddiduvvo mearkkašumit. De biddjo árvalus vuodđun ášši mearrideapmái.

Golut

Áššegoluid dieđuid gávnnat 7.kapihttalis eananjuohkinlágas. Áššegolut lea dábálaččat divat stádii. Jus ášši lea gáibiduvvon mielduopmáriiguin, de bohta vel buhtadus lassin mii lea birrasii kr. 3 500 juohkki čoahkkibeavvis. Golut juhkkot oasehasaide dan vuodul man ávkálaš ášši lea opmodagaide.

Ođđajagimánu 1.b rájes 2018 lea divvagat ná:

| | |
|-----------------------------|-------------|
| Álggahandivat: | kr. 5 750* |
| Divat juohkki oasehassii: | kr. 2 300 * |
| Radjaguhkkodatdivat: | kr.2 300 * |
| juohki.oasehas pr. 0,5 km30 | |

(*sáhtta rievdat riektedivatlága olis)

Guoddaleapmi

Mearrádusaid maid eananjuohkinriekti lea dahkan sáhhtá guoddalit lágamánneriektái. Eananjuohkinriekti muitala guoddalan vejolašvuodaid ášši loahpas.

Bagadus

Jus lea dárbu de addá eananjuohkinriekti dieđuid mo deavdit skovi.